

**KERATAN AKHBAR-AKHBAR TEMPATAN**  
**TARIKH: 4 JUN 2014 (RABU)**

<b>Bil</b>	<b>Tajuk</b>	<b>Akhbar</b>
1	RM1B fund to boost education sector	New Straits Times
2	Pegawai Jakim sedia makan coklat cadbury	Sinar Harian
3	Usah makan jika was-was	Sinar Harian
4	Percaya kepada kredibiliti Jakim	Sinar Harian
5	Jakim digesa kaji semula beri sijil halal	Utusan Malaysia
6	Kementerian Kesihatan akui silap	Utusan Malaysia
7	Pegawai bocor maklumat awal akan disiasat	Harian Metro
8	Samples may have been contaminated	The Sun

KERATAN AKHBAR  
NEW STRAITS TIMES (BUSINESS TIMES) : MUKA SURAT B6  
TARIKH : 4 JUN 2014 (RABU)

# RM1B FUND TO BOOST EDUCATION SECTOR

**THE** Education Ministry has allocated some RM1 billion this year to improve the standard of the education sector in Malaysia.

Education Ministry Secretary-General II Prof Datuk Seri Ir Dr Zaini Ujang said the funding has been allocated in two separate budgets, namely the annual budget for higher education institutions and development budget, which comes under the 10th Malaysia Plan.

Some RM600 million has been set aside for the annual budget, whereas the balance has been allocated for the development budget, he added.

"I believe the amount of about RM1 billion is sufficient to help improve the education industry," said Zaini.

He was speaking to reporters at a press conference after launching the World Engineering, Science & Technology Congress (ESTCON2014) in Kuala Lumpur yesterday.

The Education Ministry also plans to introduce liberal arts subjects in the Malaysia Education Blueprint 2015-2025, which is being formulated, to give opportunity for students to learn the subjects in universities.

Zaini said the ministry acknowledges the importance of integrating science and liberal arts subjects, such as economy, history and sociology.

"It is important to have knowledge in all the necessary major subjects for us to move forward to become a developed nation.

"In the past, when we learnt science, it was all about science subjects like



Education Ministry Secretary-General II **Prof Datuk Seri Ir Dr Zaini Ujang** (right) with **Universiti Teknologi Petronas** Vice-Chancellor **Datuk Ir Dr Abdul Rahim Hashim** (second from right) and **Renewable and Sustainable Energy Institute** energy education director and **University of Colorado Boulder** lecturer **Prof Dr Paul Komor** visiting a booth at ESTCON2014 in Kuala Lumpur yesterday.  
Pic by Mohamad Shahril Badri Saali



physics, chemistry and biology. But with this conference (ESTCON2014), we want to look into the integration between engineering, science, technology, as well as humanities," said Zaini, who launched the conference on behalf of Second Education Minister

Datuk Seri Idris Jusoh.

ESTCON2014, which is the biggest event in the country, is being held from yesterday until tomorrow at the Kuala Lumpur Convention Centre here.

The conference is the only event where industries, academia, the gov-

ernment and the public converge to take part in global business roundtables to discuss ideas, share knowledge, learn about latest inventions and research, and facilitate commercialisations of ideas that benefit industries and the economy.

Themed "Engineering, Science, Technology and Humanities: Convergence for a Sustainable Future", the conference featured 20 parallel sessions and more than 1,500 research and industry papers from around the world.

The main sponsors of ESTCON2014 are **Petroleum Nasional Bhd** and **Exxon Mobil Exploration and Production Malaysia Inc** as the Diamond Sponsors, and **Dialog Group Bhd** as the Gold Sponsor.

The Ministry of Science, Technology and Innovation's Deputy Secretary-General (Science) **Dr Zulkifli Mohamed Hashim** and Deputy Minister **Datuk Dr Abu Bakar Mohamad Diah** will officiate at the conference's closing ceremony tomorrow.

## Pegawai Jakim sedia makan coklat Cadbury

**SHAH ALAM-** Pegawai Jabatan Kemajuan Islam Malaysia (Jakim) sedia mengadakan demonstrasi memakan coklat Cadbury bagi meyakinkan orang ramai status halal produk tersebut.

Penolong Pengarah Kanan, Bahagian Hab Halal Jakim, Mohd Amri Abdullah berkata, ia bagi membuktikan kepada orang ramai berkenaan keputusan terbaharu agensi tersebut bahawa dua coklat Cadbury halal dimakan.

"Sebagaimana yang disebutkan bahawa status Cadbury yang diputuskan adalah halal. Kalau diminta kami makan coklat Cadbury kami yakin bahawa apa yang diberikan status pensijilan itu ada-

**“ Pihak Jakim hanya menggunakan makmal jabatan kimia yang dibenarkan sahaja.” - Mohd Amri**

lah halal sepenuhnya.

"Dalam hal ini, ia memerlukan keyakinan yang begitu utuh, yang begitu kuat untuk menentukan konsep halal," katanya yang dipetik daripada laporan Astro Awani.

Kata beliau, masyarakat perlu meletakkan sepenuhnya kepercayaan kepada jabatan tersebut berkaitan pensijilan halal.

"Untuk keputusan pensijilan halal ini, pihak Jakim hanya menggunakan makmal jabatan kimia yang dibenarkan sahaja.

"Standard dan prosedur Jakim digunakan untuk memberikan pensijilan halal ini sama dengan apa digunakan Kementerian Kesihatan (KKM)," katanya.

Sebelum ini, KKM mengesahkan terdapat DNA babi (porcine) dalam dua produk coklat Cadbury.

Bagaimanapun pada Isnin lalu, Menteri di Jabatan Perdana Menteri, Datuk Seri Jamil Khir Baharom mengumumkan tiada DNA babi dikesan dalam dua produk coklat Cadbury berkenaan selepas dijalankan analisis oleh Jabatan Kimia.

**KERATAN AKHBAR**  
**SINAR HARIAN (ISU COKLAT CADBURY) : MUKA SURAT 3**  
**TARIKH: 04 JUN 2014 (RABU)**

## Usah makan jika was-was

**SHAH ALAM** – Orang Islam yang was-was dengan status halal sesuatu makanan dinasihatkan supaya tidak mengambil produk berkenaan.

Pengerusi Pertubuhan Muttaqa Asatizah dan Pendakwah Malaysia (Murshid), Dr Zaharuddin Abdul Rahman berkata, perasaan was-was terhadap sesuatu produk boleh menyebabkan hukum memakannya jatuh haram.

“Bahayanya was-was apabila sesuatu produk itu akan jadi hukum haram. Sebab itu, kita memerlukan penjelasan terperinci daripada pihak berkenaan. (Dalam kes coklat Cadbury) Jabatan Kemajuan Islam Malaysia (Jakim), Kementerian Kesihatan dan **Jabatan kimia** seharusnya duduk sepentas beri penjelasan bagi mengelak kekeliruan,” katanya.

Selain itu, kata Zaharuddin, kerajaan juga perlu mengetatkan pemberian logo halal selain mewujudkan akta berkaitan produk

halal agar hak dan kepentingan pengguna Islam tidak dipandang remeh.

“Perlu tatacara jelas mengenai sesuatu produk yang diklasifikasi halal kerana bukan semua produk ada logo halal, selamat dimakan.

“Saya juga fikir perlu ada auditor syariah di setiap syarikat yang mendapat kelulusan halal daripada Jakim bagi memastikan produk yang dikeluarkan mematuhi prosedur halal,” katanya.

Katanya lagi, setiap produk sebelum mendapat sijil halal perlu melalui prosedur ujian di Jabatan Kimia bagi mengesahkan kandungan dalam produk tersebut sesuai dimakan.

“Sesuatu produk yang menimbulkan rasa was-was seharusnya tidak diambil berdasarkan elemen fikah iaitu keyakinan tidak dapat dihapuskan oleh keraguan. Bermakna apabila dah ada keyakinan, keraguan yang sedikit dapat diatasi,” katanya.

## Percaya kepada kredibiliti Jakim

SHAHALAM - Rakyat wajar meletakkan kepercayaan kepada bahagian halal Jabatan Kemajuan Islam Malaysia (Jakim).

Pensyarah Universiti Islam Antarabangsa Malaysia (UIAM), Dr Maszlee Malik berkata, prosedur standard operasi (SOP) dan tahap profesionalisme Jakim dalam isu pelabelan halal boleh diyakini.

Menurutnya, sebarang penyalahgunaan label adalah di luar kawalan makmal mereka.

"Keputusan **Jabatan Kimia** pula menguatkan lagi kredibiliti pengesahan Jakim. Justeru hasil kajian mereka sewajarnya diterima dan dijadikan kata pemutus berhubung penemuan DNA babi di dalam dua coklat Cadbury.

"Kedua-dua badan ini adalah pihak mempunyai autoriti di dalam bidang mereka serta wajar dijadikan rujukan," katanya dalam satu kenyataan.

Beliau berkata, pihak Kementerian Kesihatan pula wajib bertanggungjawab dalam perkara tersebut demi menjaga imej mereka.

"Dedahkan sumber coklat mereka uji, pihak telah menyerahkan sampel tersebut dan juga pihak membocorkan maklumat hasil kajian mereka di media sosial yang sepatut-



DR MASZLEE

nya dirujuk kepada Jakim.

"Hal ini amat perlu berteraskan konsep ketelusan dan akauntabiliti. Memandangkan apa yang berlaku telah disahkan oleh pihak kementerian sehingga menyebabkan suasana tidak tenteram dan kegelisahan melampau di kalangan rakyat beragama Islam," katanya.

Pada masa sama katanya, Cadbury sebagai syarikat pengeluar coklat bertaraf antarabangsa wajar menubuhkan badan penasihat Syariah sendiri untuk memantau proses pembuatan mereka.

"Ia demi memperbaiki kerosakan imej kritikal di kala ini, sama ada di Malaysia mahupun di peringkat antarabangsa, di samping memberi keyakinan pada pelanggan Muslim.

"Penubuhan itu juga akan meningkatkan kredibiliti Cadbury untuk jangka masa panjang," katanya.

